

2017TIK 2020RA BITARTERA (BI URTEAK BARNE) SANTA ISABEL ETA SALBATZAILEAREN HILERRIETAN LORE-SALTOKIAK IPINTZEKO BAIMENAK ESLEITZEKO DEIALDIAREN OINARRIAK

1. Baimen kopurua:

Deialdi honen helburua da Gasteizko udalerrian jartzen diren aldi baterako lore-saltokiak esleitzea 2017tik 2020ra bitarteko eperako (bi urteak barne). Hauek dira zehazki:

- a) Salbatzailearen hilerriko urte osoko lore azoka: 3 lizentzia.
- b) Santu Guztien eguna dela eta jartzen den lore azoka:
 - I. Santa Isabel hilerria: 10 lizentzia.
 - II. Salbatzailearen hilerria: 21 lizentzia.

2. Eskabideak aurkeztea:

Deialdi honetan ezarritakoari jarraituz loreak saltzen jarduteko baimena lortu nahi duten interesdunek agiri hauek aurkeztu beharko dituzte:

Nahitaezko agiriak:

- Eskabide-orria, behar bezala beteta (ereduaren arabera).
- Erantzukizunpeko aitortpena (ereduaren arabera).
- Pertsona fisikoen kasuan: titularraren zein titularkidearen nortasun agiriaren fotokopia edo, Europako Batasunaz kanpokoen kasuan, indarreko legedipean baliodun den atzerriarren identifikazio txartela edo agiri parekidearen fotokopia.
- Pertsona juridikoen kasuan, eratze eskrituren fotokopia; eskatzailearen ordezkatzeko ahalmena jasotzen duen agiria eta Identifikazio Fiskalerako txartelaren fotokopia.
- Eskatzaileak ordezkari bidez jardunez gero, ordezkariaren NANaren edo horren baliokidea den agiriren baten kopia, bai eta ordezkatzeko ahalmena egiaztatzen duen agiria ere.
- Titularra Ekonomi Jardueren gaineko Zergan alta emanda dagoela egiaztatzeko agiria.
- Erantzukizun zibileko polizaren ordainagiriaren fotokopia.

Santu Guztien eguna dela eta jartzen den lore azokarako baimenen kasuan, Ekonomi Jardueren gaineko Zergan alta emanda egotearen egiaztatzea eta polizaren ordainketa-egiaztatzea jarduera hasi baino aste bat lehenago aurkeztu ahalko dira.

Halaber, saltzeko lizentzia emango bazaio, deialdia egin duen tokiko administrazioari ordaindu beharrekoak ordainduta eduki beharko ditu eskabidea egiten duen pertsonak.

3. Eskabideak aurkezteko lekua eta epea:

Urtarrilaren 16tik 27ra bitartean aurkeztu behar dira eskabideak, Gasteizko Udalaren herritarrei laguntzeko bulego hauetan:

- Udalaren bulego teknikoak (Dublang Margolariaren kalea); ordutegia: 08:30etik 14:00etara.
- Gizarte etxeetako sarearen herritarrei laguntzeko bulegoak.

Telefono bidezko argibideak: 010 eta 945161100

4. Baimenak esleitzea:

Gehienez urte osorako 3 baimen emango dira Salbatzailearen hilerrirako. Santu Guztien eguna dela eta, gehienez 10 lizentzia emango dira Santa Isabel hilerrirako, eta 21 lizentzia Salbatzailearen hilerrirako.

IFZ edo IFK bakoitzeko eskabide bakarra aurkeztu ahalko da. Eskabide batean baino gehiagotan ageri diren pertsonak –titular nahiz titularkide gisa– bazter utziko dira, besterik gabe.

Eskatzaileek **gehienez ere 3 toki hautatu ahal izango dute, erantsitako planoak kontuan hartuta**, eta eskaera-orrian markatuko dituzte saltoki-zenbakiak nahi dutenaren arabera

Saltoki bera eskatzaile batek baino gehiagok nahi izanez gero, erreparatuko zaio Udal Erregistroan sarrera egindako eskaeraren hurrenkerari. Eskatutako postuak esleituta egonez gero, eskatutako saltokitik hurbilen eta eskuragarri daudenak esleitzeari ekingo litzaioke. Kokalekurako preferentziarik adierazi ez diren eskabideetan, saltokien esleipena egingo da zenbakien hurrenkera naturalari jarraituta. Dena dela, Udalak bere gain izango du saltokiak birkokatze eskubidea, eskaeraren eta saltokiak antolatze beharren arabera.

Erreserba zerrenda bat osatu ahalko da baimena lortu ez dutenen artean puntu gehien eskuratu dituzten 10 eskatzaileekin.

Esleipendunen eta erreserban geratutakoen zerrendak 010 telefonoan eta udalaren web-orrian (www.vitoria-gasteiz.org) egongo dira eskuragarri, **otsailaren 17tik aurrera**.

5. Baimenaren iraunaldia:

- a) Salbatzailearen hilerriko urte osoko lore azoka: lizentzia ematen denetik 2020ko abenduaren 31ra arte.



b) Santu Guztien eguna dela eta jartzen den lore azoka:

- 2017 – Urriaren 29tik azaroaren 5era bitartean.
- 2018 – Urriaren 28tik azaroaren 4ra bitartean.
- 2019 – Urriaren 27tik azaroaren 3ra bitartean.
- 2020 – Urriaren 25tik azaroaren 2ra bitartean.

6. Saltokiak jartzeko baldintzak:

- Salbatzailearen hilerriko urte osoko lore azokarako ematen diren baimenek eskatzen diren urteko egun guztietarako balioko dute, ematen direnez geroztik, bai eta Santu Guztien egunaren aurreko igandetik hasita hurrengo igandera arteko aste osorako.
- Santu Guztien eguna dela eta jartzen den lore azokarako ematen diren baimenek Santu Guztien egunaren aurreko igandetik hasita hurrengo igandera arteko asterako balioko dute.
- Santa Isabel hilerrian, sarreraren ondoan jarriko dira lore-saltokiak, harresiaren ondoko espaloi zatian, trafikoari nahiz oinezkoen joan-etorriei enbarazurik ez egiteko moduan eta hilerrirako sarrera bera oztopatu gabe, erantsitako planoan ageri den bezala.
- Salbatzailearen hilerrian, berriz, sarbideko zuhaitz ilararen ondoan jarriko dira, espaloitik nahiz aparkalekutik kanpo, sarrerako atea libre uzten delarik.
- Saltoki bakoitzak gehienez 4 metroko luzera izan ahalko du.
- Baimenen esleipendunak arduratu beharko du erabilitako gunea garbitzeaz eta jardueraren ondorioz sortzen diren hondakinak biltzeaz; lekua garbi eta erabiltzeko moduan utzi beharko da, bai egun bakoitzaren amaieran, baita denbora-tarte guztiaren amaieran ere.
- Esleipenaren titularrek edo titularkideek bere gain hartzen dituzte betebeharrak: salmentan eurak aritzea, saltokia hilerrien jendearentzako ordutegian irekita edukitzea, eta jardueraren gaineko erantzukizun zibileko asegurua izatea.
- Udalak edo ordezkatzeko duen erakundeak edozein unetan egiaztatu ahal izango du oinarri hauetan jasotako baldintzak betetzen direla, ikuskaritza bidez.
- Baimenaren titularra izango da jardueraren ondorioz sor litezkeen kalte-galera guztien arduraduna.
- Ezingo da deus zoruari lotuta atxiki, eta behar bezala babestu beharko da hura.
- Udaltzainen aginduak bete beharko dira une oro.
- Debekatuta dago saltokia erdibanatzea, lagatzea edo alokatzea.
- Baimenaren titularrek datu hauek jarri beharko dituzte ikusgai, jendeak ein ikuskatzaileek erraz ikusteko moduan:



- Udalaren baimena.
- Dagokion urteko ordainketa ziurtagiria.
- Jarduerak eragin ditzakeen erreklamazioak jasotzeko helbidea.

7. Esleipena egokitzen zaion enpresak ordaindu beharreko tasa:

Saltokiak jartzen direlarik, urtero bide publikoa okupatzeagatiko prezioa –udal ordenantza fiskaletan finkatzen dena– ordaindu beharra izango da.

8. Lizentziak eskuratzea:

Otsailaren 20tik aurrera emango zaizkie baimenak esleipendunei, Udaletxeko bulego teknikoetan - Teodoro Dublang, 25, astelehenetik ostiralera, 08:30etik 14:00etara - behin dagokien tasa ordaindu ondoren.

Titularrak edo titularkideak jaso beharko dute, nortasun agiria aurkeztuta –Europar Batasunaz kanpokoan kasuan, atzeritarren alorrean indarrean dagoen legeriak eskatzen dituen lan eta egoitza baimenaren fotokopia–.

Era berean, hirugarren bati ahalmena eman ahal izango zaio baimena jaso ahal izateko, idatziz baimentzen badu eta NANaren edo horren baliokidea (Europar Batasunaz kanpokoan kasuan) den fotokopia erakutsita.